

ЎЗБЕКИСТОН РЕСПУБЛИКАСИ МИЛЛИЙ ГВАРДИЯСИ ҚЎМОНДОНИНИНГ
БУЙРУҒИ

**ЎЗБЕКИСТОН РЕСПУБЛИКАСИ МИЛЛИЙ ГВАРДИЯСИНИНГ ҚЎРИҚЛАШ БОШ
БОШҚАРМАСИГА ҚЎРИҚЛАШ УЧУН ТОПШИРИЛГАН ОБЪЕКТЛАРНИ
ҚЎРИҚЛАШНИНГ МУҲАНДИСЛИК ВА ТЕХНИК ВОСИТАЛАРИ БИЛАН
ЖИҲОЗЛАШ ТАЛАБЛАРИ, ТАРТИБИ ҲАМДА ШАРТЛАРИ ТЎҒРИСИДАГИ
ЙЎРИҚНОМАНИ ТАСДИҚЛАШ ҲАҚИДА**

[Ўзбекистон Республикаси Адлия вазирлиги томонидан 2023 йил 22 августда рўйхатдан
ўтказилди, рўйхат рақами 3453]

Ўзбекистон Республикасининг «Қўриқлаш фаолияти тўғрисида»ги Қонунининг 8-
моддасига мувофиқ буюраман:

1. Ўзбекистон Республикаси Миллий гвардиясининг Қўриқлаш бош бошқармасига
қўриқлаш учун топширилган объектларни қўриқлашнинг муҳандислик ва техник воситалари
билан жиҳозлаш талаблари, тартиби ҳамда шартлари тўғрисидаги йўриқнома **иловага**
мувофиқ тасдиқлансин.

2. Мазкур буйруқ Ўзбекистон Республикаси Фавқулодда вазиятлар вазирлиги,
Қурилиш ва уй-жой коммунал хўжалиги вазирлиги ва Ўзбекистон Республикаси Савдо-саноат
палатаси билан келишилган.

3. Ушбу буйруқ расмий эълон қилинган кундан эътиборан уч ойдан кейин кучга
киради.

Қўмондон Р. ДЖУРАЕВ

Тошкент ш.,
2023 йил 21 июль,
179-сон
Келишилди:

Ўзбекистон Савдо-саноат палатаси Раиси Д. ВАХАБОВ

2023 йил 3 июль

Фавқулодда вазиятлар вазири А. КУЛДАШЕВ

2023 йил 25 июнь

Қурилиш ва уй-жой коммунал хўжалиги вазири Б. ЗАКИРОВ

2023 йил 23 июнь

Ўзбекистон Республикаси Миллий гвардияси қўмондонининг 2023 йил 21 июлдаги 179-сон
буйруғига
ИЛОВА

**Ўзбекистон Республикаси Миллий гвардиясининг Қўриқлаш бош бошқармасига
қўриқлаш учун топширилган объектларни қўриқлашнинг муҳандислик ва техник
воситалари билан жиҳозлаш талаблари, тартиби ҳамда шартлари тўғрисидаги
ЙЎРИҚНОМА**

Мазкур Йўриқнома Ўзбекистон Республикаси Миллий гвардиясининг Қўриқлаш бош
бошқармасига (бундан буён матнда Қўриқлаш бош бошқармаси деб юритилади) қўриқлаш
учун топширилган объектларни қўриқлашнинг муҳандислик ва техник воситалари билан
жиҳозлаш талаблари, тартиби ҳамда шартларини белгилайди.



Қаранг: Ўзбекистон Республикаси Президентининг 2021 йил 20 февралдаги ПҚ-4997-сон қарори билан тасдиқланган Ўзбекистон Республикаси Миллий гвардияси Қўриқлаш бош бошқармаси тўғрисидаги низом.

1-боб. Умумий қоидалар

1. Ушбу Йўриқномада қуйидаги асосий тушунчалардан фойдаланилади:

қўриқланадиган объект (бундан буён матнда объект деб юритилади) — белгиланган тартибда қўриқлашга олинган жисмоний ва юридик шахсларнинг бинолари, иморатлари, иншоотлари, уларнинг худудлари, жойнинг участкалари, транспорт воситалари, транспортда ташиладиган юклар, пул маблағлари, моддий бойликлари ва бошқа мол-мулки, шунингдек жисмоний шахс;

қўриқлашнинг муҳандислик воситалари — объектларни тажовузлардан механик жиҳатдан ҳимоя қилиш учун қўлланиладиган қурилмалар ва иншоотлар;

тўсиқ — объектга киришга ёки киришга уринишга тўскинлик қилувчи қўриқлашнинг муҳандислик воситаси (темир панжара ёки темир конструкция ёхуд девор);

қўриқлашнинг техник воситалари — объектларни тажовузлардан ҳимоя қилиш учун фойдаланиладиган, мустақил вазифаларни бажарадиган, конструктив жиҳатдан яқунланган қурилмалар;

қўриқлаш сигнализацияси тизими — объектга қонунга ҳилоф равишда киришни ёки киришга уринишни магнит контактли, ойна синишини қайд этувчи ва ҳаракатни аниқлайдиган хабаргоҳлар (бундан буён матнда хабаргоҳлар деб юритилади) орқали аниқловчи қўриқлашнинг техник воситаси;

техник қўриқлаш маркази (бундан буён матнда Марказ деб юритилади) — ташвиш хабари асосида объектга тезкор ҳаракатланувчи гуруҳнинг зудлик билан жўнатилишини таъминлайдиган Қўриқлаш бош бошқармасининг таркибий бўлинмаси;

сигнализация ҳимоя тўсиқлари (бундан буён матнда ҳимоя тўсиғи деб юритилади) — объектга қонунга ҳилоф равишда кирилганда ташвиш хабарининг қўриқлаш пости қабул қилиш ва бошқариш қурилмасига ёки Марказга узатилишини таъминловчи сигнализация шлейфи ёки шлейфларнинг мажмуаси;

ташвиш сигнализация тизими — объектга қонунга ҳилоф равишда қилинган тажовузлар бўйича ташвиш хабарининг тугма ёки педаллар орқали Марказга узатилишини таъминлайдиган қўриқлашнинг техник воситаси.

2. Мазкур Йўриқноманинг амал қилиши Қўриқлаш бош бошқармасига қўриқлаш учун топширилган объектларни қўриқлашнинг муҳандислик ва техник воситалари билан жиҳозлашга нисбатан татбиқ этилади.

Ушбу Йўриқноманинг амал қилиши Банклар ва уларнинг филиалларини ички ишлар идоралари ҳузуридаги қўриқлаш бўлинмалари томонидан қўриқлашни ташкил этиш тартиби тўғрисидаги йўриқномага (рўйхат рақами 2128, 2010 йил 31 июль) асосан объектларни қўриқлашнинг муҳандислик ва техник воситалари билан жиҳозлаш талаблари, тартиби ҳамда шартларига нисбатан татбиқ этилмайди.

3. Объектни қўриқлашнинг муҳандислик ва техник воситалари билан жиҳозлашда Қўриқлаш бош бошқармаси томонидан ушбу объектнинг ўзига хос хусусиятидан келиб чиқиб, мазкур Йўриқноманинг 2 ва 3-бобларида назарда тутилган тегишли талаб ва шартлар қўлланилади.

2-боб. Объектни қўриқлашнинг муҳандислик воситалари билан жиҳозлаш талаб ва шартлари

4. Объектни қўриқлашнинг муҳандислик воситалари қуйидагилардан иборат ҳисобланади:

тўсиқ;

дарвоза;

назорат-ўтказиш жойи;

сув ва ҳаво қувурлари, ер ости коллекторлари;

эшик ва деразалар;
вентиляция шахталари, мўри ва бошқа технологик каналлар;
қулфлаш мосламалари.



LexUZ шарҳи

Қаранг: Ўзбекистон Республикаси «Қўриқлаш фаолияти тўғрисида»ги Қонуни 3-моддаси биринчи қисмининг ўнинчи хатбоииси.

5. Объектнинг тўсиқларини жиҳозлашда қуйидаги талаб ва шартларга риоя қилиниши зарур:

шахсларнинг, транспорт воситаларининг эҳтиётсизлик ёки қасддан кириб келишига, шунингдек уларнинг назорат-ўтказиш жойини четлаб ўтиб, объектга қонунга ҳилоф равишда киришига тўсиқлик қилиш;

кузатувни чекламаслиги, шунингдек қўриқлашнинг техник воситаларининг ишлашига тўсиқлик қилмаслиги;

объектдан ташқарида бўлган бино ва иншоотлар билан тугашмаслиги;

тирқишлар, тешиқлар ва бошқа шикастланишлар, шунингдек қулфланмайдиган дарвоза ва эшиқлар бўлмаслиги;

баландлиги 2 м дан кам бўлмаслиги.

6. Объектнинг дарвозаларини жиҳозлашда қуйидаги талаб ва шартларга риоя қилиниши зарур:

объектнинг дарвозалари транспорт воситалари ва темир йўл кириш жойларига ўрнатилиши;

автоматик бошқариладиган дарвозалар техник носоз бўлган тақдирда қўлда очиш ва тўхтатиш мосламалари билан жиҳозланган бўлиши;

баландлиги камида 2 м ва қалинлиги камида 2 мм бўлган темир қопламадан ёки диаметри камида 16 мм бўлган ва 150x150 мм дан катта бўлмаган ўлчамдаги катакчаларни ташкил этувчи, шунингдек катакчаларнинг кесишмаларида пайвандланган, гардиши 50x50x5 мм дан кам бўлмаган ўлчамдаги темир бурчак билан мустаҳкамланган темир панжарадан иборат бўлиши.

7. Объектнинг назорат-ўтказиш жойини жиҳозлашда қуйидаги талаб ва шартларга риоя қилиниши зарур:

объектга ташриф буюрувчилар ва унинг ходимларини кўздан кечириш, шунингдек қўриқлаш нарядлари хизмат ўташи учун хона бўлиши;

дарвозани автоматик бошқариш қурилмаси, шунингдек ташқи периметр ёритгичларини ва транспортни стационар кўздан кечириш воситаларини бошқариш қурилмалари назорат-ўтказиш жойига ёки объектнинг ички томонига ўрнатилиши;

транспорт воситаларини ва темир йўл транспортини кўздан кечириш майдончалари билан жиҳозланиши;

назорат-ўтказиш жойининг деразалари темир панжаралар билан жиҳозланиши;

назорат-ўтказиш жойининг эшиқлари қалинлиги 2 мм дан кам бўлмаган темир қопламадан иборат бўлиши, шунингдек транспорт воситалари ва фуқароларни кузатиш учун туйнук билан жиҳозланган бўлиши;

турникетлар билан жиҳозланиши.

8. Объектнинг сув ва ҳаво қувурлари, ер ости коллекторлари унинг объектдан чиқиш жойларида диаметри камида 16 мм бўлган ва 150x150 мм дан катта бўлмаган ўлчамдаги катакчаларни ташкил этувчи, шунингдек катакчаларнинг кесишмаларида пайвандланган темир панжаралар билан жиҳозланган бўлиши зарур.

9. Объектнинг эшиқларини жиҳозлашда қуйидаги талаб ва шартларга риоя қилиниши керак:

асосий ва захира кириш эшиқларнинг ички томонида диаметри камида 16 мм бўлган ва 150x150 мм дан катта бўлмаган ўлчамдаги катакчаларни ташкил этувчи, шунингдек катакчаларнинг кесишмаларида пайвандланган, гардиши 35x35x4 мм дан кам бўлмаган

ўлчамдаги темир бурчак билан мустаҳкамланган темир панжарали кўшимча эшик ўрнатилиши;

асосий кириш эшиги домофон, шунингдек захира кириш эшиги эса кўриш туйнуги билан жиҳозланиши;

махсус қисм, сервер, архив ва касса хоналари, шунингдек ертўла ва чордоқ эшиклари қалинлиги 2 mm дан кам бўлмаган темир қопламадан иборат бўлиши.

10. Объектнинг деразаларини жиҳозлашда қуйидаги талаб ва шартларга риоя қилиниши керак:

объектнинг биринчи қаватида жойлашган махсус қисм, сервер, архив ва касса хоналари, шунингдек ертўла ва чордоқ деразалари темир панжаралар билан жиҳозланиши;

иккинчи ва ундан юқори қаватлардаги деразалар эвакуация зиналари ёнида жойлашган тақдирда, улар темир панжара билан жиҳозланиши.

11. Объектнинг вентиляция шахталари, мўри ва бошқа технологик каналлари унинг объектга кириш жойларида диаметри камида 16 mm бўлган ва 150x150 mm дан катта бўлмаган ўлчамдаги катакчаларни ташкил этувчи, шунингдек катакчаларнинг кесилмаларида пайвандланган темир панжаралар билан жиҳозланган бўлиши керак.

12. Объект дарвоза ва эшикларининг қулфлаш мосламаларини жиҳозлашда қуйидаги талаб ва шартларга риоя қилиниши зарур:

осма қулф учун қулоқчалар кесими 6x40 мм дан кам бўлмаган пўлат тасмадан иборат бўлиши;

ёпиштирма қулфлар дарвоза ва эшикнинг ички томонидан болт, шайба ва гайкалар ёрдамида қотирилиши.

3-боб. Объектни қўриқлашнинг техник воситалари билан жиҳозлаш талаб ва шартлари

13. Объектни қўриқлашнинг техник воситалари қуйидагилардан иборат ҳисобланади: қўриқлаш сигнализацияси тизими;

ташвиш сигнализация тизими.

14. Объектни қўриқлаш сигнализацияси тизими билан жиҳозлашда қуйидаги талаб ва шартларга риоя қилиниши керак:

рухсатсиз кириш мумкин бўлган барча заиф жойлар (дарвоза, эшик, дераза, йўлак ва хоналар) қўриқлаш сигнализацияси тизими билан жиҳозланиши;

қўриқлаш сигнализацияси тизимининг қабул қилиш ва бошқариш қурилмаси қўриқлаш постига ўрнатилиши;

хабаргоҳлар ертўла ва чордоқ хоналарига, шунингдек уларнинг дераза ва эшикларига ўрнатилган тақдирда, уларнинг шлейфи ташқи периметр қўриқлаш сигнализация тизимига уланиши;

объект ҳар бир қаватига ўрнатилган хабаргоҳларнинг шлейфи ички периметр қўриқлаш сигнализация тизимига уланиши;

объект асосий кириш эшигининг ишдан ташқари вақтда очилишини назорат қилиш учун унинг хабаргоҳи қабул қилиш ва бошқариш қурилмаси орқали Марказга уланиши;

объект ҳар бир хонасига магнит контактли, ойна синишини қайд этувчи ва ҳаракатни аниқлайдиган хабаргоҳлар биргаликда ўрнатилиши;

объект ҳар бир хонасининг эшик ва деразаларига ўрнатилган хабаргоҳлар битта шлейф билан қабул қилиш ва бошқариш қурилмасига мустақил уланиши;

ҳаракатни аниқлайдиган хабаргоҳлар объект хонасининг ҳар 30 m² майдонида биттадан ўрнатилиши.

15. Махсус қисм, сервер, архив ва касса хоналарини қўриқлаш сигнализация тизимининг иккита ҳимоя тўсиғи билан жиҳозлашда қуйидаги талаб ва шартларга риоя қилиниши керак:

биринчи ҳимоя тўсиғида хона деразасига ойна синишини ва унинг очилишини ҳамда хона эшигига унинг очилишини қайд этувчи магнит контактли хабаргоҳларни қўллаш;

иккинчи ҳимоя тўсиғида хонага ҳаракатни аниқлайдиган хабаргоҳларни қўллаш.

Бунда, ушбу ҳимоя тўсиқлари шлейфлар орқали қабул қилиш ва бошқариш қурилмасига ва Марказга уланиши зарур.

16. Объектни ташвиш сигнализация тизими билан жиҳозлашда қуйидаги талаб ва шартларга риоя қилиниши керак:

ташвиш хабарининг тугма ёки педаллари бегона шахслар кўрмайдиган жойларга ўрнатилиши;

ташвиш хабарининг тугма ёки педаллари объект раҳбари ва бухгалтер хоналарига, шунингдек товар-моддий бойликларни сақлаш, ташиш ва ортиш-тушириш жойларига ва кўриқлаш постларига ўрнатилиши;

ташвиш сигнализация тизимининг барча шлейфлари тўғридан-тўғри Марказга уланиши.

4-боб. Объектларни кўриқлашнинг муҳандислик ва техник воситалари билан жиҳозлаш тартиби

17. Объектни кўриқлаш ҳамда уни муҳандислик ва техник воситалари билан жиҳозланишини ўрганиб бериш учун жисмоний ёки юридик шахс ушбу объект жойлашган жойдаги Кўриқлаш бош бошқармасининг Қорақалпоғистон Республикаси, вилоятлар ва Тошкент шаҳар кўриқлаш бошқармаларига (бундан буён матнда ҳудудий кўриқлаш бошқармалари деб юритилади) ариза билан ёзма ёки электрон шаклда мурожаат қилади.

18. Жисмоний ёки юридик шахснинг аризаси келиб тушган кундан эътиборан ўн беш кун ичида ҳудудий кўриқлаш бошқармалари томонидан мазкур Йўриқноманинг 19-бандида кўрсатилган объектнинг ўзига хос хусусиятлари ўрганиб чиқилади.

19. Жисмоний ёки юридик шахснинг аризаси келиб тушган кундан эътиборан ўн беш кун ичида ҳудудий кўриқлаш бошқармалари томонидан объектни кўриқлаш ҳамда уни муҳандислик ва техник воситалар билан жиҳозлашда қуйидагилар ўрганиб чиқилади:

объектларни кўриқлашнинг муҳандислик ва техник воситалари билан жиҳозлаш мазкур Йўриқноманинг 2 ва 3-бобларида назарда тутилган талаб ва шартларга мувофиқлиги;

объектнинг тузилиши (объект жойлашуви, қават ва хоналарининг сони, товар-моддий бойликларни сақлаш, ташиш ва ортиш-тушириш жойлари);

объектга рухсатсиз кириш мумкин бўлган барча заиф жойлар (тўсиқ, дарвоза, эшик, дераза, йўлак ва хоналар) мавжудлиги.

Бунда, ўрганиш натижаларига кўра жисмоний ёки юридик шахс ва ҳудудий кўриқлаш бошқармаси масъул ходими томонидан икки нусхада объектни кўриқлаш ҳамда уни муҳандислик ва техник воситалари билан жиҳозлаш бўйича далолатнома (бундан буён матнда далолатнома деб юритилади) расмийлаштирилади. Далолатноманинг биринчи нусхаси жисмоний ёки юридик шахсда, иккинчи нусхаси эса ҳудудий кўриқлаш бошқармаси масъул ходимида сақланади.

20. Объектни кўриқлашнинг муҳандислик ва техник воситалари билан жиҳозлаш жисмоний ёки юридик шахс томонидан далолатномага мувофиқ амалга оширилади.

21. Объектни кўриқлашнинг муҳандислик ва техник воситалари билан жиҳозлаш ишлари яқунлангандан сўнг шу куннинг ўзида жисмоний ёки юридик шахс бу ҳақда ҳудудий кўриқлаш бошқармасини хабардор этади.

22. Ҳудудий кўриқлаш бошқармаси у бу ҳақда хабардор қилинган кундан эътиборан беш кун ичида объектнинг мазкур Йўриқноманинг 2 ва 3-бобларида назарда тутилган талаб ва шартларга мувофиқ жиҳозланганлигини ўрганади.

Бунда, ўрганиш натижасига кўра ҳудудий кўриқлаш бошқармаси бошлиғи томонидан қуйидаги қарорлардан бири қабул қилинади:

объектни кўриқлашнинг муҳандислик ва техник воситалари билан жиҳозлаш мазкур Йўриқноманинг 2 ва 3-бобларида назарда тутилган талаб ва шартларга мувофиқлиги аниқланган тақдирда объектни кўриққа олиш тўғрисида;

объектни кўриқлашнинг муҳандислик ва техник воситалари билан жиҳозлаш мазкур Йўриқноманинг 2 ва 3-бобларида назарда тутилган талаб ва шартларга номувофиқлиги аниқланган тақдирда объектни кўриққа олишни рад этиш тўғрисида.

23. Худудий кўриқлаш бошқармаси объектни кўриққа олиш ёки кўриққа олишни рад этиш тўғрисидаги қарор ҳақида жисмоний ёки юридик шахсни ушбу қарор қабул қилинган куннинг ўзида ёзма ёки электрон равишда хабардор қилади.

Бунда, объектни кўриққа олишни рад этиш тўғрисидаги қарор ҳақида хабарномада мазкур Йўриқноманинг 2 ва 3-бобларида назарда тутилган талаб ва шартларга номувофиқ бўлган аниқланган камчиликлар ҳамда ушбу камчиликларни бартараф этиш бўйича тегишли тавсиялар бўлиши зарур.

24. Объектни кўриққа олишни рад этиш тўғрисидаги қарор қабул қилинганда жисмоний ёки юридик шахс мазкур Йўриқноманинг 2 ва 3-бобларида назарда тутилган талаб ва шартларга мувофиқ бўлмаган аниқланган камчиликларни бартараф этиб, қайта мурожаат қилиш ҳуқуқига эга.

5-боб. Яқунловчи қоида

25. Мазкур Йўриқнома талабларини бузилишида айбдор бўлган шахслар қонунчилик ҳужжатларига мувофиқ жавобгар бўлади.



LexUZ шарҳи

Қаранг: Ўзбекистон Республикаси Маъмурий жавобгарлик тўғрисидаги кодексининг 194¹, 195¹, 210¹ ва 248¹-моддалари, Ўзбекистон Республикаси Жиноят кодексининг 172-моддаси.

(Қонунчилик маълумотлари миллий базаси, 23.08.2023 й., 10/23/3453/0644-сон)